



Conselh Generau d'Aran



Ajuntament de Les



**Ajuntament
de Bossòst**



**Ajuntament de
Naut Aran**



**AJUNTAMENT DE
VIELHA E
MIJARAN**

CONVÈNI ENTRE ETH CONSELH **GENERAU D'ARAN** E ES AJUNTAMENTS D'**ARAN**
QU'AN PLAN LOCAU DE JOENESSA ENTÀ IMPLEMENTAR ETH PROJÈCTE
TECNICA COMPARTIDA DE JOENESSA DETH CONSELH GENERAU D'ARAN
EXERCICI 2022-2023

Vielha, signat electronicament

AMASSADI

D'un costat, era Mgfca. Sra. Maria Vergés Pérez, sindica d'Aran, en vertut deth nomentament amiat ena session plenària de 29 d'octobre de 2020, deriven es sues facultats der article 29.2 dera Lei 1/2015, de 5 de hereuèr, deth Regim Especial d'Aran, e facultat entad aquest acte en concrèt mejançant acòrd deth Conselh de Govern de 21 de hereuèr de 2022, actue en nòm e representacion deth Conselh Generau d'Aran, damb demorança en Plaça d'Aran, 1-2, de Vielha e CIF P-7500011-G.

Der aute, eth Plan Illtre. Sr. Andreu Cortés Labrid, baile der Ajuntament de Les, damb CIF num. P-2515200-J, qu'actue en nòm e representacion deth madeish.

Der aute, eth Plan Illtre. Sr. Amador Marqués Atés, baile der Ajuntament de Bossòst, damb CIF num. P-2507100-B, qu'actue en nòm e representacion deth madeish.

Der aute, eth Plan Illtre. Sr. César Ruiz-Canela Nieto, baile der Ajuntament de Naut Aran, damb CIF num. P-2523300-H, qu'actue en nòm e representacion deth madeish.

E, der aute, eth Plan Illtre. Sr. Juan Antonio Serrano Iglesias, baile der Ajuntament de Vielha e Mijaran, damb CIF num. P-2530400-G, qu'actue en nòm e representacion deth madeish.

Es compareishents, enes sues respectives representacions,

EXPAUSEN

Prumèr.- Qu'era Generalitat de Catalunya a competència exclusiva sus Joenessa, segons establís er article 9, apartat 26, der Estatut d'Autonomia de Catalunya.

Dusau.- Qu'es comarques exercissen, entre d'autes, competències delegades pera Administracion dera Generalitat de Catalunya d'acòrd damb es principis de proximitat



Conselh Generau d'Aran



Ajuntament de Les



**Ajuntament
de Bossòst**



**Ajuntament de
Naut Aran**



**AJUNTAMENT DE
VIELHA E
MIJARAN**

as ciutadans, participacion e eficàcia ena prestacion des servicis, en tot atier tostemp es interèssi pròpris des entitats locals.

Tresau.- Qu'eth Conselh Generau d'Aran, en an 2008, aprovèc damb era Generalitat de Catalunya eth Convèni de delegacion de competències e activitats.

Quatau.- Qu'eth Conselh Generau d'Aran prebotge es politiques de Joenessa, mejançant eth Contracte Programa, esturment de gestion qu'establís era coordinacion, cooperacion e collaboracion entre era Generalitat de Catalunya e eth Conselh Generau d'Aran entà perméter ua gestion des servicis socials.

Eth nau Contracte Programa serà vigent es anualitats 2022-2025.

Cincau.- Qu'es ajuntaments de Les, Bossòst e Naut Aran prebotgen politiques de Joenessa, mejançant es plans locals de Joenessa e eth finançament deth Contracte Programa deth Conselh Generau d'Aran.

Er ajuntament de Vielha e Mijaran impulse es politiques a compdar deth plan locau de Joenessa e s'incorporà ath finançament deth contracte programa ena signatura deth contracte programa 2022-2025.

Siesau.- Qu'eth present convèni establís es linhes de collaboracion e cooperacion mutuau entre totes es institucions signatàries entà dinamizar es politiques de Joenessa ena Val d'Aran.

Setau.- Qu'ei de besonh regular, mejançant convèni, es condicions en qué eth Conselh Generau d'Aran implantarà eth projècte de tecnica compartida enes ajuntaments dera comarca que i siguen interessadi.

Ueitalu.- Qu'eth projècte tecnica compartida se definís dera forma següenta:

- Ei un projècte prebotjat des dera Oficina de Joenessa deth Conselh Generau d'Aran, a través deth Contracte Programa, adreçat as ajuntaments qu'an Plan Locau de Joenessa, PLJ, entath desvolopament de politiques locals de Joenessa.
- Ei un projècte que permet activar es politiques de Joenessa deth municipi, darles significat, e afavorir e coordinar es ja existents de manèra conjunta entre eth Conselh Generau e es ajuntaments.
- Ei un projècte que fomenta eth trabalh interinstitucionau, era participacion des joeni e er equilibri territorial.

Nauau.- Que, cossent damb çò exposat, laguens deth marc previst per article 28 deth Decret Legislatiu 4/2003, de 4 de noveme, peth quau s'apròve eth Tèxte rehonut dera



Conselh Generau d'Aran



Ajuntament de Les



**Ajuntament
de Bossòst**



**Ajuntament de
Naut Aran**



**AJUNTAMENT DE
VIELHA E
MIJARAN**

Lei d'organizacion comarcau de Catalunya, s'acòrde era formalizacion deth present convèni damb subjeccion as següentes

CLAUSULES

Prumèra.- Objècte

Er objècte deth present convèni ei regular era relacion deth Conselh Generau d'Aran e es ajuntaments de Les, Bossòst, Vielha Mijaran e Naut Aran peth servici dera Tecnica Compartida de Joenessa qu'a per objectius es següents:

- 1) Promòir un programa d'accion planificat damb era participacion des joeni, associacions e entitats deth municipi qu'englòbe toti es èishi deth Plan Nacionau de Joenessa.
- 2) Aumentar era participacion ena societat e era emancipacion juvenila en municipi.

Dusau.- Recorsi e mieis

Eth Conselh Generau d'Aran meterà a disposicion des ajuntaments nomentadi ena clausula prumèra d'aguest convèni ua tecnica, que serà compartida entre aguesti, enes condicions regulades en present convèni.

Era implantacion deth projècte tecnica compartida aurà es mejans següents:

- a) Dotar de recorsi umans as ajuntaments nomentadi entà compdar damb un supòrt ara ora de planificar, elaborar e executar politiques de Joenessa e eth Plan Locau de Joenessa.
- b) Redigir, implantar e executar eth Plan Locau.
- c) Intervencion dirècta damb es joeni.

Tresau.- Accions e fases de desenvolopament deth projècte

Entà arténher es objectius exposadi se prepausen diüerses accions que se concrèten en tres fases:

1. Planificacion:
 - Analisi dera realitat
 - Visualizacion des departaments, entitats, associacions, ...
 - Priorizacion des accions deth dessenh
2. Execucion:
 - Formacion, orientacion e coordinacion



Conselh Generau d'Aran



Ajuntament de Les



**Ajuntament
de Bossòst**



**Ajuntament de
Naut Aran**



**AJUNTAMENT DE
VIELHA E
MIJARAN**

Difusion dera informacion

Supòrt as iniciatives

3. Evaluacion:

Iniciau

Procès

Finau

Quatau.- Forma de trabalh

Era forma de trabalh se concrète en tres esturments estrategics:

- Estratègia interinstitucionau: trabalh entre diuèrses institucions.
- Estratègia interdepartamentau: trabalh entre diuèrsi departaments.
- Estratègia de participacion joena: protagonisme e implicacion des joeni.

Cincau.- Oraris e plaçament

Era disponibilitat dera tecnica compartida de Joenessa qu'an es municipis se pòt entèner coma totau pr'amor qu'en tot moment trabalharà en accions que seràn ena sua disposicion. Era tecnica compartida de Joenessa ei plaçada ena Oficina de Joenessa deth Conselh Generau d'Aran. Per çò que hè ara disponibilitat personau en cada municipi (qu'era tecnica compartida de joenessa i sigue presenta), ei en foncion des besonhs de cada un.

Era tecnica compartida de joenessa se desplace tàs municipis cada viatge qu'ei de besonh per motius de trabalh: amassades damb joeni e entitats, dinamizacion d'activitats, amassades damb eth còsso/baile, contactes damb professionaus d'alti airaus,...

Es ajuntaments plaçaràn era tecnica compartida de joenessa en un lòc idonèu des dependències municipaus, e li facilitaràn es mejans de besonh entath desenvolopament deth sòn prètzhet.

Siesau.- Finançament

Eth finançament s'efectuarà de manèra anuau ja qu'eth projecte Tecnica Compartida includit en Contracte Programa ei d'aplicacion anuau. Aquest servici se finançarà entar exercici 2022-2023 dera forma següenta:

1. Es ajuntaments pagaràn ath Conselh Generau d'Aran ua quòta anuau que se detalhe en quadre adjunt de servici realizat en municipi o ben en Conselh Generau d'Aran respècte ara coordinacion, damb era fin de sufragar es còsti laboraus dera tecnica compartida de Joenessa, e includissen tanben es despenes de quilometratge e diètes corresponentes as desplaçaments efectuadi per rason deth servici.



Entitat locau	Quòta
Ajuntament de Les	3.000,00 €
Ajuntament de Bossòst	3.000,00 €
Ajuntament de Naut Aran	4.000,00 €
Ajuntament de Vielha Mijaran	5.000,00 €

2. Es pagaments de cada Ajuntament s'efectuaràn mejançant pagaments anuaus abans deth 31 de deseme de cada exercici.
3. Eth Departament de Drets Socials de la Generalitat de Catalunya apòrte ath projècte de tecnica compartida er impòrt de dotze mil euros anuaus (12.000 €).
4. Eth Conselh Generau d'Aran apòrte era quantitat restanta enquia sufragar eth totau dera despena deth projècte de tecnica compartida.

Setau.- Vigéncia

Era vigéncia deth present convèni s'establís enquiath 31 de gèr de 2024. Totunt açò, eth convèni se poderà rescindir per mutuau acòrd entre es parts o per decision unilateral d'ua des parts qu'ac aurà de comunicar ara auta damb tres mesi d'auança.

Ueítu.- Transparéncia

Es entitats signataries d'aguest Convèni s'obliguen a dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que les sigue aplicable.

Nauau.- Natura

Eth present convèni entre eth Conselh Generau d'Aran e es Ajuntaments de Les, Bossòst, Vielha e Mijaran e Naut Aran, a natura administrativa e se regís ena sua interpretacion e desenvolopament per ordenament juridic administratiu, damb expressa sosmission des parts ara Juridiscion Contenciosa Administrativa.

Detzau.- Interpretacion e causes de resolucion

En cas que quauqua des parts, dauant d'ua circumstància non prevista, considerèsse de besonh introdusir bèra modificacion en aquerò que s'a convingut, ac meterà en coneishement immediatament dera auta part entà establir de mutuau acòrd era solucion mès avienta.

Seràn causes de rescission auançada d'aguest convèni es següentes:



Conselh Generau d'Aran



Ajuntament de Les



**Ajuntament
de Bossòst**



**Ajuntament de
Naut Aran**



**AJUNTAMENT DE
VIELHA E
MIJARAN**

- Era impossibilitat sobrevenguda, legau o materiau, de dar compliment as sues clausules per quinhsevolha des parts.
- Er incompliment, per quinhsevolha des parts, des compromissi assumits en madeish.
- Eth mutuau acòrd des parts signantes que s'expressarà per escrit.

E, en pròva de conformitat e un còp liejut, signen es compareishents aquest convèni, ena data remercada enta entèsta, per exemplar quadruplicat e damb un solet efècte.



Maria Vergés Pérez
Sindica d'Aran
Conselh Generau d'Aran



Andreu Cortés Labrid
Baile
Ajuntament de Les



Amador Marqués Atés
Baile
Ajuntament de Bossòst



César Ruíz-Canela Nieto
Baile
Ajuntament de Naut Aran



Juan Antonio Serrano Iglesias
Baile
Ajuntament de Vielha e Mijaran